

կազմակերպությունների կողմից օրենսդրության սահմանված կարգով հաշվապահական հաշվառում չվարելը հանգեցրել է հսկողության համակարգի թերացման և ֆինանսական հաշվետվությունների բացակայության, արդյունքում՝ մարզպետարանի ակտիվների, պարտավորությունների, ծախսերի և եկամուտների կառավարման անհնարինության:

- Պետական ոչ առևտրային կազմակերպությունների կողմից Մարզպետարանին ներկայացված հաշվետվություններում աշխատավարձի հոդվածով փաստացի և դրամարկղային ծախսերը, համապատասխանաբար, շեղվել են վերջիններիս աշխատավարձի հաշվարկների և փաստացի վճարումների տվյալներից:

Մարզպետարանում իրականացվող հաշվեքննության ժամանակահատվածում պետական ոչ առևտրային կազմակերպությունների հիմնական մասին չի հաջողվել ճշտել իրենց կողմից ներկայացված հաշվետվությունները, ինչը փաստում է համապատասխան հաշվառման բացակայության հանգամանքը:

- Մարզպետի առանձին որոշումներով 789 քաղաքացիների տրվել են 28,950.0 հազ. դրամ գումարի դրամական օգնություններ: Օգնություններն ամբողջությամբ տրվել են կանխիկ եղանակով: Գումարների տրամադրումն իրականացվել է դրամարկղային գործառնությունների կարգի խախտումներով, դրամարկղային գրքի վարումը և դրամարկղի մուտքի և ելքի օրդերների դուրս գրումը չի կատարվել ՀՀ օրենսդրությամբ սահմանված նորմատիվ իրավական ակտերի պահանջներին համապատասխան:

- Դրամարկղային գրքի վարման և դրամարկղային գործառնությունների իրականացման կարգի խախտումներ են եղել նաև մարզպետարանի ենթակայության տակ գտնվող պետական ոչ առևտրային կազմակերպություններում:

- Մշակութային և կրթական օբյեկտների շենքերի և շինությունների կապիտալ հիմնանորոգման ծրագրերով կնքված պայմանագրերի նախահաշիվներում կատարված փոփոխությունները պատշաճ ձևով չեն փաստաթղթավորվել և հիմնավորվել: Փոփոխությունների արդյունքում պայմանագրի ծավալաթերթերը (նախագծանախահաշվային փաստաթղթերը) չեն փոփոխվել, չկատարված աշխատանքների մասով չեն հիմնավորվել դրանց կատարման պահանջի վերացումը, լրացուցիչ աշխատանքները կատարվել են նախահաշվից հանված աշխատանքների գումարների հաշվին՝ չհիմնավորելով դրանց հետագայում կատարման կամ չկատարման անհրաժեշտությունը:

- «Ընթացիկ սուբվենցիաներ համայնքներին» հոդվածով կատարվել է 18,636,7 հազ. դրամ գումարի ծախսեր, որի շրջանակներում Մարզպետարանը «Երաժշտական և արվեստի դպրոցներում ազգային, փողային և լարային նվագարանների գծով ուսուցում» ծրագրով իրականացրել է 16 երաժշտական դպրոցներում սովորող 163 աշակերտների ուսման վարձերի ֆինանսավորում (փոխհատուցում): Երաժշտական և արվեստի դպրոցների մարզպետարան ներկայացրած հաշվետվությունների տարբեր բաժինների տվյալների, ինչպես նաև վերջիններիս կողմից տրամադրված տեղեկատվության (տեղեկանքների) և

մարզպետարան ներակայացված հաշվետվությունների տվյալների միջև առկա են անհամապատասխանություններ, հաշվետվությունները լրացված են թերի՝ բաց թողնված լրացման դաշտերով և թվաբանական անճշտություններով:

- Մարզպետարանը ՀՀ կառավարության պահուստային ֆոնդից ՀՀ կառավարության համապատասխան որոշումների հիման վրա կապիտալ սուբվենցիաների գծով համայնքներին փոխանցել է 41,376.8 հազ. դրամ գումար: Համայնքները սուբվենցիայի պայմանագրերով նախատեսված կատարված աշխատանքների վերաբերյալ հաշվետվություններ մարզպետարան չեն ներկայացրել: Բացակայել են նաև 2018 թվականի մարտի 19-ի ՀՀ կառավարության թիվ 596-Ն որոշմամբ սահմանված կարգով ձևավորված հանձնաժողովների կողմից ավարտած շինարարական օբյեկտն ընդունող հանձնաժողովի ակտերը:

ՀՀ ՍՅՈՒՆԻՔԻ ՄԱՐԶՊԵՏԱՐԱՆԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը		
ՀՀ Սյունիքի մարզպետարան		
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը	
21.10.2019 – 27.02.2020 թթ.	01.01.2017 – 31.12.2018 թթ.	
Հաշվեքննության առարկան	Հաշվեքննության մեթոդաբանությունը	
2017 և 2018 թվականների ՀՀ Սյունիքի մարզպետարանի կողմից պետական բյուջեի մուտքերի ձևավորման և ելքերի իրականացման կանոնակարգված գործունեություն	Իրականացվել է ֆինանսական և համապատասխանության հաշվեքննություն: Հաշվեքննության ընթացքում կիրառվել են զննում, դիտարկում, հարցում, արտաքին հաստատում, վերլուծական ընթացակարգ և վերահաշվարկ ընթացակարգերը:	
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
7	3	7
Հաշվեքննության կարծիք		Հղումը
Ֆինանսական հաշվեքննության մասով տրվել է «ոչ լիարժեք եզրահանգում», իսկ համապատասխանության հաշվեքննության մասով՝ «բացասական եզրահանգում» կարծիքներ:		

Առավել ուշագրավ փաստեր

- Մարզպետարանում և նրա ենթակայության ՊՈԱԿ-ներում հաշվապահական հաշվառումը չի իրականացվել ավտոմատացված համակարգերով և հաշվապահական ստանդարտներով:

- Մարզպետարանի և նրա ենթակայության 23 հիմնարկների 92 աշխատակիցներ 2017-2018 թթ. 1157 աշխատանքային օրեր գտնվել են արտերկրում և ստացել են աշխատավարձեր՝ 5,690.4 հազ. դրամ:
- Մարզպետարանում բացակայում են՝ Մարզպետարանի և «Արդշինբանկ» ՓԲԸ-ի միջև միջոցների տրամադրման ծառայությունների մատուցման պայմանագիրը, վճարման ցուցակները և բանկի փաստացի վճարված գումարների մասին քաղվածքները:
- Մարզպետարանում առկա չէ դրամական օգնությունները տրամադրելու համապատասխան հրամանով հաստատված կանոնակարգ, որի հետևանքով արձանագրվել են անհամապատասխանություններ:
- Մարզպետարանը 2017թ.-ին չմատուցված ծառայությունների դիմաց 2,914.0 հազ. դրամ փոխանցել է «Յուքոմ» ՍՊԸ-ին:
- Մարզպետարանի աշխատակազմի և նրա ենթակայության 12 դպրոցներում մեկ անձից կատարված 1 մլն դրամը չգերազանցող գնումների վերաբերյալ պահանջվող էլեկտրոնային փաստաթղթերը բացակայում են, իսկ՝ 3 դպրոցների կողմից 22,612.1 հազ. դրամ գումարով գնումները կատարվել են առանց պատասխանատու ստորաբաժանումներ և գնահատող հանձնաժողովներ ձևավորելու:
- 12 հանրակրթական դպրոցների կողմից մեկ անձից կատարված մեկ միլիոն դրամը չգերազանցող գնումները կատարվել են տնտեսվարող անձանց հետ ուղղակի կնքված պայմանագրերի հիման վրա:
- 4 հանրակրթական դպրոցներում բացակայում են մասնակիցների կողմից ներկայացվող հայտերի գրանցամատյանները, իսկ թվով 3 հանրակրթական դպրոցների կողմից մեկ անձից կատարված 500.0 հազար դրամը չգերազանցող գնումների վերաբերյալ էլեկտրոնային փաստաթղթերը առկա չեն:
- Մարզպետարանի և կապալառուների միջև կնքված սուբվենցիոն պայմանագրերում բացակայում են «Սուբվենցիայի չօգտագործված գումարի՝ ՀՀ պետական բյուջե վերադարձման» մասին և «Սուբվենցիայի չօգտագործված գումարի՝ ՀՀ պետական բյուջե վերադարձման» սահմանված պայմանները: Կատարողական ակտերը ներկայացվում և ընդունվում են սուբվենցիոն պայմանագրով նախատեսված աշխատանքների կատարման ժամկետին անհամապատասխան:
- ՀՀ Սյունիքի մարզի երաժշտական և արվեստի հիմնարկները պետական բյուջեից և համայնքային ֆինանսավորմամբ սովորողների ծախսերի միասնական համամասնությունների և առանձնացված հաշվետվությունների ներկայացումը չեն վարել հիմնադրի՝ համայնքների և պետական բյուջեի ծրագրի ֆինանսական կարգադրիչի՝ Մարզպետարանի, համապատասխան պահանջների բացակայության պատճառով:

ՀՀ ՈՍՏԻԿԱՆՈՒԹՅԱՆ ՊԵՏԱԿԱՆ ՊԱՀՊԱՆՈՒԹՅԱՆ ԳԼԽԱՎՈՐ ՎԱՐՉՈՒԹՅԱՆ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը

ՀՀ ոստիկանություն

Հաշվեքննության կատարման ժամկետը		Հաշվեքննությունն ընդգրկող ժամանակաշրջանը	
14.01.19-01.08.19թթ.		01.01.17-31.12.18թթ.	
Հաշվեքննության առարկան		Հաշվեքննության մեթոդաբանությունը	
Պետական պահպանության գլխավոր վարչության ֆինանսատնտեսական գործունեություն		Իրականացվել է ֆինանսական և համապատասխանության հաշվեքննություն: Կիրառվել են զննում, դիտարկում, հարցում, արտաքին հաստատում, վերլուծական ընթացակարգ, վերահաշվարկ հաշվեքննության ընթացակարգերը:	
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ	
2	4	1	
Հաշվեքննության կարծիք			Հղումը
Ֆինանսական հաշվեքննության մասով տրվել է «իրական եզրահանգում» կարծիք, համապատասխանության հաշվեքննության մասով տրվել է «ոչ լիարժեք եզրահանգում» կարծիք:			

Առավել ուշագրավ փաստեր

- ՊՊԳ վարչությունը տարիներ շարունակ չի իրականացրել ՀՀ կառավարության 29.04.2004թ. թիվ 1008-Ն որոշմամբ ՀՀ ոստիկանության կողմից պահպանության ենթակա պետական մարմինների շենքերի ու շինությունների ցանկում ընդգրկված ՀՀ Ազգային ժողովի շենքի՝ հարակից շինություններով, ՀՀ առաջին ատյանի դատարանների ու նրանց նստավայրերի, տնտեսական դատարանի Երևանի, Գյումրու, Վայքի, Սևանի, Վեդուի նստավայրերի, վերաքննիչ և վճռաբեկ դատարանների շենքերի պետական պահպանությունը:
- ՊՊԳ վարչությունը 2017 և 2018 թվականներին պետական բյուջեի 14,162.4 հազ. դրամ միջոցների հաշվին (2004 թվականից՝ ավելի քան 100 մլն դրամ) իրականացրել է «Հովհաննես Շարամբեյանի անվան ժողովրդական ստեղծագործության կենտրոն» ՊՈԱԿ-ի (ք.Երևան, Աբովյան փողոց 64) պահպանությունը, որը ընդգրկված չէ պետական պահպանության ենթակա պետական մարմինների և կազմակերպությունների շենքերի ու շինությունների ցանկում:
- Պետական բյուջեի միջոցների հաշվին օբյեկտների պետական պահպանությունը իրականացվել է ՊՊԳ վարչության և ենթակա ստորաբաժանումների կողմից կնքված

պայմանագրերով սահմանվածից պակաս անձնակազմով: Ընդ որում, բյուջետային հաստիքներ զբաղեցնող 58 կրտսեր խմբի ոստիկաններ և 7 հրաձիգներ պետական բյուջեի միջոցների հաշվին պետական պահպանության ենթակա օբյեկտների պահպանություն իրականացնելու փոխարեն ներգրավվել են տնտեսավարողների հետ արտաբյուջեի շրջանակում կնքված պայմանագրերով պահպանվող օբյեկտների վերակարգերում, սակայն վարձատրվել են պետական բյուջեի միջոցներից, որը 2017 թվականի համար կազմել է 145,150.6 հազ. դրամ, 2018 թվականի համար՝ 70,810.0 հազ. դրամ:

- Պահպանության ծառայության մատուցման պայմանագրերում վճարումների ուշացումների համար տույժեր հիմնականում սահմանված չեն, իսկ պայմանագրային հիմունքներով ծառայությունների մատուցման դիմաց ՊՊԳ վարչության ստորաբաժանումների դեբիտորական պարտքը 2017 թվականի հունվարի 1-ի դրությամբ կազմել է 94,090.8 հազ. դրամ, որը, 2018 թվականի դեկտեմբերի 31-ի դրությամբ, կրկնապատկվել է՝ կազմելով 204,939.3 հազ. դրամ:

- Կենտրոնական, Մալաթիայի և Կոտայքի պահպանության բաժինների և տնտեսավարողների միջև պահպանության առանձին պայմանագրեր կնքվել են ՀՀ կառավարության 22.01.2015թ. թիվ 25-Ն որոշմամբ ոստիկանների և հրաձիգների համար սահմանված ծախսերի նորմատիվներից 6,257.9 հազ. դրամ պակաս գնով:

- 2017 թվականի փետրվարից մինչև 2018 թվականի հունիս ամիսը Սևանի պահպանության բաժանմունք գործուղված Մալաթիայի պահպանության բաժնի մեկ և Կենտրոնական պահպանության բաժնի հինգ ոստիկաններ գործուղման ժամանակաշրջանում չեն ընդգրկվել Սևանի պահպանության բաժանմունքի կողմից պահպանվող օբյեկտների վերակարգերում, և չի հիմնավորվում այդ ոստիկաններին, առանց հաշվարկված հարկերի և վճարների, վճարված 11,455.8 հազ. դրամ աշխատավարձը: Հաշվեքննության արդյունքում գումարը վերականգնվել է արտաբյուջետային հաշիվներին:

- Կենտրոնական պահպանության բաժնի մեկ կրտսեր խմբի ոստիկան 2017 թվականի հուլիսից մինչև 2018 թվականի ապրիլ ամիսն աշխատանքից ազատվելը չի ընդգրկվել օբյեկտների պահպանության վերակարգերում, սակայն ստացել է 1,032.2 հազ. դրամ աշխատավարձ: Հաշվեքննության արդյունքում գումարը վերականգնվել է արտաբյուջետային հաշիվին:

- 2017 և 2018 թվականներին Էրեբունու պահպանության բաժնի կողմից 34 տնտեսավարող սուբյեկտներին պահպանության ծառայությունը մատուցվել է ամբողջությամբ, սակայն դրա դիմաց բաժնի արտաբյուջետային հաշվին մուտք է եղել 14,947.5 հազ. դրամ պակաս գումար: Հաշվեքննության ընթացքում արտաբյուջետային հաշվին վերականգնվել է 14,000.0 հազ. դրամ: Եվս 947.5 հազ. դրամ ձևակերպվել է՝ որպես տնտեսավարողների դեբիտորական պարտք:

- Մալաթիայի պահպանության բաժնի կողմից կնքված երկու պայմանագրերի շրջանակներում պահպանությունն իրականացվել է պայմանագրով սահմանվածից ավելի անձնակազմով, որի համար արտաբյուջետային միջոցների հաշվին նորմատիվով սահմանվածից ավելի է ծախսվել 2,651.4 հազ. դրամ:

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅԱՆ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը		
ՀՀ տարածքային կառավարման և ենթակառուցվածքների նախարարություն		
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը	
09.11.2019-31.01.2020թթ.	01.01.2017-31.12.2018թթ.	
Հաշվեքննության առարկան	Հաշվեքննության մեթոդաբանությունը	
Տրանսպորտի ոլորտին առնչվող բյուջետային միջոցների օգտագործում, բյուջետային մուտքերի ապահովում և պետական սեփականության օգտագործում՝ բացառությամբ շինարարական և «Միջպետական և հանրապետական նշանակության ավտոճանապարհների ձմեռային պահպանում, ընթացիկ պահպանում և շահագործում» ծրագրերի:	Իրականացվել է ֆինանսական և համապատասխանության հաշվեքննություն: Կիրառվել են հարցում, արտաքին հաստատում, վերլուծական ընթացակարգ, զննում, դիտարկում, վերահաշվարկ և վերակատարում հաշվեքննության ընացակարգերը:	
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
2	4	4
Հաշվեքննության կարծիք		Հղումը
Ֆինանսական և համապատասխանության հաշվեքննությունների մասով տրվել է «ոչ լիարժեք եզրահանգում» կարծիք:		

Առավել ուշագրավ փաստեր

«Հայաստանի ավտոմոբիլային ճանապարհների տնօրինություն» ՊՈԱԿ-ի կողմից դրամաշնորհային ծրագիր

- 2017 թվականի ընթացքում ավտոճանապարհների ցանցի անձնագրավորման համար պայմանագրով նախատեսված ճանապարհների և ճանապարհների առանձին էլեմենտների ուսումնասիրության և տվյալների հավաքագրման, ավտոմոբիլային ճանապարհների և դրանց ինժեներական կառույցների /կամուրջների, թունելների և մետաղական արգելափակոցների/ վերականգման շինարարական աշխատանքների հսկողության պայմանագրով նախատեսված

աշխատանքները չեն կատարվել, սակայն պայմանագրով նախատեսված գումարը՝ 24,710.0 հազ. դրամը, ամբողջությամբ վճարվել է:

- 2017 թվականին կնքված դրամաշնորհի պայմանագրով նախատեսված աշխատանքները ՊՈԱԿ-ի կողմից փաստացի կատարվել է 13,671.2 հազ. դրամով պակաս, սակայն նախարարությունը, պայմանագրի 5.1 կետի համաձայն, կազմակերպությունից չի պահանջել փոխհատուցել չկատարված աշխատանքների դիմաց վճարված գումարը, կամ այն հաշվարկել և հաշվանցել կազմակերպության վճարվելիք գումարներից:

- Տնտեսագիտական վերլուծության արդյունքում առաջարկված վերականգման ենթակա 423.6 կմ երկարությամբ միջպետական և հանրապետական նշանակության ճանապարհահատվածներից 2017-2019թթ.-երի ծրագրերում ներառվել են ընդամենը 172.13 կմ ճանապարհահատվածներ, որից 49.6 կմ հատվածն է համապատասխանում տնտեսագիտական վերլուծության արդյունքում առաջարկված աշխատանքներին:

- Տնտեսագիտական վերլուծության արդյունքում կազմված վերանորոգման ենթակա ճանապարհահատվածների ցանկում ընդգրկվել են այնպիսի ճանապարհահատվածներ, որոնք ընդհանրապես ուսումնասիրության չեն ենթարկվել, իսկ նորոգվել են ուսումնասիրված, սակայն վերլուծության արդյունքում վերանորոգման ենթակա ճանապարհահատվածների ցանկում չներառվածները:

Թվային տախտկարաֆի համակարգի պահապանման և քարտերի պատրաստման ծառայությունների մատուցում

- Ծառայությունների մատուցման համար կազմված հանձնման-ընդունման արձանագրություններում տախտկարաֆիկ քարտի միավոր գինը գերազանցել է պայմանագրով սահմանված միավոր գինը՝ 2,312.9 եվրոյով:

- 2018թ.-ի համար կազմված հանձնման-ընդունման արձանագրության գումարը 5,831.2 հազ. դրամով գերազանցել է ՀՀ պետական բյուջով նախատեսված գումարը, իսկ ՀՀ պետական բյուջեի կատարման վերաբերյալ հաշվետվությունում ծրագրի փաստացի ծախսը նույն գումարի չափով պակաս է ցույց տրվել:

Արձանագրված այլ փաստեր

- Ֆիզիկական անձանց կողմից մարդատար տաքսի մեկ ավտոմոբիլով ուղևորափոխադրումների կազմակերպման պետական տուրքի մասով կուտակված 1,595,034.7 հազ. դրամ ապառքի վերականգման ուղղությամբ ոչ մի քայլ չի ձեռնարկվել:

- ՀՀ տրասպորտի և կապի նախարարությունը, շրջանցելով ՀՀ կառավարության 15.02.2007 թվականի թիվ 690-Ն որոշմամբ սահմանված պահանջները, առանց գործունեության համար օգտագործվող ապրանքների, առարկաների, սարքավորումների փորձաքննության դրական եզրակացության, 2017-2018թթ.-ի ընթացքում հինգ ընկերությունների տրամադրել է տրանսպորտային միջոցների տեխնիկական զննության անցկացման լիցենզիաներ:

- ՀՀ ընդհանուր օգտագործման պետական ավտոմոբիլային ճանապարհներին գովազդ տեղադրելու համար ճանապարհային վճարից ապառքը 01.01.2018թ դրությամբ 40,747.0 հազ. դրամի փոխարեն հաշվարկվել է ընդամենը 3,232.0 հազ. դրամ:

- ՀՀ ընդհանուր օգտագործման պետական ավտոմոբիլային ճանապարհներին գովազդ տեղադրելու համար 2017-2018թթ.-ի համար 60,615.0 հազ. դրամի ճանապարհային վճար և հարկ պակաս է գանձվել:
- Միջպետական և հանրապետական նշանակության 3,698 կմ ընդհանուր երկարությամբ ավտոճանապարհներից, 348 կմ երկարությամբ միջպետական նշանակության ավտոճանապարհահատվածներում կատարված զննությամբ արձանագրվել է 158 ապօրինի տեղադրված գովազդային վահանակներ՝ շուրջ 1,282 քմ ընդհանուր մակերեսով, ինչի դիմաց ՀՀ պետական բյուջե տարեկան չի վճարվել շուրջ 12,820.0 հազ. դրամ ճանապարհային վճար կամ հարկ:

ԳՅՈՒՄՐՈՒ ՀԱՄԱՅՆՔԱՊԵՏԱՐԱՆԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը		
Գյումրու համայնքապետարան		
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը	
22.04.2019-31.03.2020	01.01.2017-31.12.2018	
Հաշվեքննության առարկան	Հաշվեքննության մեթոդաբանությունը	
Գյումրու համայնքային բյուջեի միջոցների օգտագործում, բյուջետային մուտքերի ապահովում և համայնքային սեփականության օգտագործում	Իրականացվել է ֆինանսական և համապատասխանության հաշվեքննություն: Կիրառվել են զննում, դիտարկում, հարցում, արտաքին հաստատում, վերլուծական ընթացակարգ, վերահաշվարկ, վերակատարում հաշվեքննության ընթացակարգերը:	
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
3	19	8
Հաշվեքննության կարծիք		Հղումը
Ֆինանսական և համապատասխանության հաշվեքննության մասով տրվել է «Ոչ լիարժեք եզրահանգում» կարծիք:		

Առավել ուշագրավ փաստեր

- Համայնքի գույքահարկի բազայից դուրս մնացած կազմակերպությունների կողմից նախորդ տարիներից կուտակված համայնքի բյուջե վճարման ենթակա գումարը ընդհանուր կազմել է 01.12.2019թ. դրությամբ՝ 8,772.4 հազ. դրամ, իսկ 2017-2018թթ.-ին այն կազմել է՝ 1,735.9 հազ. դրամ:
- Համայնքի վարչական տարածքում գտնվող, տարիներ առաջ կառուցված շենք-շինությունների սեփականատերերը, ստանալով համայնքապետարանից շինարարության թույլտվություն, սահմանված շինարարական աշխատանքների տևողություն ժամկետում չավարտելով շինության կառուցումը, չեն ստացել համայնքապետարանից շինարարության ավարտական ակտեր և չեն կատարել գույքի պետական գրանցում, որի արդյունքում առ այսօր իրենց պատկանող շինությունների մասով չեն դարձել համայնքի համար եկամտի աղբյուր:
- Համայնքի տարածքում գործող 13 հասարակական նշանակության օբյեկտների (առևտրի սրահների) զբաղեցրած 3 մլն կադաստրային արժեքը չգերազանցող բնակելի նշանակության շենք-շինությունների գործառնական նշանակությունը չի փոխված հասարակականի, որի արդյունքում համայնքի բյուջեն զրկվել է լրացուցիչ գույքահարկից:
- Քաղաքապետարանը չի բավարարել ՀՀ կառավարության 22.06.2012թ. N 822-Ն որոշմամբ հաստատված «Համայնքի ավագանու կողմից գույքահարկի և հողի հարկի արտոնություններ սահմանելու կարգի պահանջը և 2017-2018 թթ. ընթացքում ընդհանուր՝ 2,196.2 հազ. դրամի գույքահարկի արտոնություններ է տրամադրել փոխադրամիջոցների գծով գույքահարկ վճարողներին:
- 2017-2018թթ.-ին համայնքի բյուջե նախատեսվածից պակաս է վճարվել 16,058.1 հազ. դրամ տեղական տուրք:
- Հողօգտագործողների կողմից խախտվել են պայմանագրային պարտավորությունները, որի դիմաց 31.12.2017թ. դրությամբ հաշվարկվել և արձանագրվել է 89,759.0 հազ. դրամի պարտք՝ ներառյալ տույժերը, 31.12.2018թ. դրությամբ՝ 107,865.3 հազ. դրամի պարտք՝ ներառյալ տույժերը:
- Գույքի վարձակալության ապառքը 31.12.17թ. դրությամբ կազմել է 4,848.0 հազ. դրամ, տույժը՝ 1,415.4 հազ. դրամ: 31.12.2018թ. դրությամբ՝ ապառքը կազմել է 2,890.9 հազ. դրամ, տույժը՝ 2,715.8 հազ. դրամ:
- 2017-2018 թթ. ընթացքում աղբահանության և սանիտարական մաքրման նախահաշիվները կազմվել են առանց սանիտարական մաքրման սխեմաների հաստատման:
- «Գյումրու կոմունալ ծառայության և աղբահանության ավտոտրանսպորտային միջոցների ձեռքբերման» գնման համար քաղաքապետարանում կազմակերպված բաց մրցույթի գնման հայտով, ներկայացված գնման առարկայի տեխնիկական բնութագրի հատկանիշները պարունակել են պահանջ կամ հղում կոնկրետ մոդելին և կոնկրետ աղբյուրին, իսկ հղումներ օգտագործելու դեպքում հատկանիշների բնութագրերը չեն պարունակել «կամ համարժեք» բառերը:
- 2017-2018թթ. ընթացքում ավտոուղեգրերում երթերի քանակները չեն նշվել, քանի որ ավտոմեքենաների ցուցիչները հաճախ չեն աշխատել, իսկ «Լոկատոր»

համակարգի միջոցով արձանագրված տվյալները հաշվեքննությանը չի ներկայացվել՝ չպահպանվելու պատճառաբանությամբ:

- 2018թ. օգոստոս ամսին բյուջետային հիմնարկը փաստաթղթերով դիզեյային վառելիքի բացակայության պայմանաններում իրականացրել է 555 լիտր դիզեյային վառելիքի ծախս:
- Կանաչապատման աշխատանքների համար ծառերի, թփերի և ծաղկասածիլների մատակարարման մասով առկա է անհամապատասխանություն պայմանագրով նախատեսված մատակարարման ժամկետների և փաստացի կազմված փաստաթղթերի հետ: Արդյունքում, ստացվել է, որ ծառերը, թփերը և ծաղկասածիլները ստացվել են ավելի ուշ, քան, կազմած փաստաթղթերի համաձայն, դրանք տեղադրվել են համապատասխան վայրերում:
- Համայնքապետարանի կողմից 2017-2018թթ. ընթացքում համայնքի թափառող կենդանիների վնասազերծման ծառայությունների ձեռք բերման մասով հաշվեքննությամբ արձանագրվել են անհամապատասխանություններ «Գնումների մասին» ՀՀ օրենքի 23-րդ հոդվածի, 25-րդ և 13-րդ հոդվածների մասով՝ գնումը մեկ անձից կատարելը հիմնավորված չէ և տեխնիկական բնութագրերում հստակ չեն նկարագրվել ձեռք բերվող ծառայության պայմանները:
- Մշակութային ՀՈԱԿ-ների կողմից այցելությունների համար նախատեսված տոմսերը չեն համարակալվել և չեն հաշվառվել/չեն հանդիսանում խիստ հաշվառման փաստաթղթեր/, հետևաբար, դրանց վաճառքի ծավալի և մուտքերի վերաբերյալ կարծիք տալ հնարավոր չի եղել:

ՀԱՅԱՍՏԱՆԻ ՎԵՐԱԿԱՆԳՆՎՈՂ ԷՆԵՐԳԵՏԻԿԱՅԻ ԵՎ ԷՆԵՐԳԱԽՆԱՅՈՂՈՒԹՅԱՆ ՀԻՄՆԱԴՐԱՄԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը

ՀՀ էներգետիկ ենթակառուցվածքների և բնական պաշարների նախարարություն

Հաշվեքննության կատարման ժամկետը		Հաշվեքննությունն ընդգրկող ժամանակաշրջանը
17.04.2019թ.- 29.02.2020թ.		01.01.2017թ.-31.12.2018թ.
Հաշվեքննության առարկան		Հաշվեքննության մեթոդաբանությունը
Հայաստանի վերականգնվող էներգետիկայի և էներգախնայողության հիմնադրամի ֆինանսատնտեսական գործունեություն		Իրականացվել է համապատասխանության և կատարողականի հաշվեքննություն: Կիրառվել են զննում, դիտարկում, հարցում, արտաքին հաստատում, վերլուծական ընթացակարգ, վերահաշվարկ, վերակա-տարում ընթացակարգերը:
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
2	4	2
Հաշվեքննության կարծիք	Եզրակացություն	Հղումը

Համապատասխանության հաշվեքննության մասով տրվել է «Ոչ լիարժեք եզրահանգում» կարծիք:	Նպատակային արդյունավետության սկզբունքը չի պահպանվել	
--	---	---

Առավել ուշագրավ փաստեր

- Հիմնադրամի կողմից ծախսերի պլանավորումը կատարվել է թերություններով, հաշվի չեն առնվել ու չեն գնահատվել աշխատավարձի գծով կատարվելիք ծախսերի իրական ծավալներն ու նախորդ տարիների փաստացի ծախսերը: Հաստիքացուցակում ներառվել են տարիներ շարունակ չհամալրվող հաստիքներ՝ հանգեցնելով աշխատավարձի գծով 2017-2018 թվականներին 49.1%-ի և 78.3%-ի չափով ցածր կատարողականների:
- Համաշխարհային բանկի ֆինանսավորմամբ իրականացվող՝ երկրաջերմային էներգիայի հետախուզական հորատման ծրագրի շրջանակում բարձր երկրաջերմային ֆոն ապահովելու նպատակով B-2 հորատանցքի հորատման համար 1,500 մետրի փոխարեն նախատեսվել է հորատել 1,800 մետր, սակայն իրականում այն հորատվել է ընդամենը 1,684 մետր խորությամբ, որում ստացված առավելագույն ջերմաստիճանը նախատեսված 150°C-ի փոխարեն կազմել է մոտ 124°C: Ուստի, չի ապահովվել ծրագրի նպատակայնությունը, քանի որ ստացված արդյունքը չի բավարարել նվազագույն պայմաններին, որոնք պետք է գրավիչ լինեին ներդրողների համար:
- Հիմնադրամի կողմից բավարար միջոցներ չեն ձեռնարկվել Համաշխարհային բանկի ֆինանսավորմամբ իրականացվող արդյունաբերական մասշտաբի արևային էներգիայի նախապատրաստական ծրագրի՝ ֆոտովոլտային կայանների կառուցման համար պոտենցիալ ներդրողների ներգրավմանը վերաբերող նպատակի իրականացման ուղղությամբ, որի արդյունքում թվով 6 տեղանքից 5-ի նկատմամբ դեռևս առարկայական առաջարկություններ չեն ստացվել:
- ՀՀ ՖՆ և Հիմնադրամի միջև կնքված գործակալության համաձայնագրի շրջանակներում մասնակից ֆինանսական կազմակերպությունների հետ կնքված պայմանագրերով Հիմնադրամն օժտված չէ գործուն վերահսկողական գործառույթներով՝ ծրագրի շահառուների ընտրության, վարկային միջոցների հատկացման, արևային ֆոտովոլտային և արևային ջրատաքացուցիչ համակարգերի տեղադրման աշխատանքների գնագոյացման նկատմամբ: Որպես հետևանք՝ նույն մարզի տարբեր համայնքներում և անգամ նույն համայնքի ներսում համակարգերի տեղադրման աշխատանքների գների միջև առաջացել են տարբեր գնային մակարդակներ, որին էլ ավելի է նպաստել որոշ բանկերի կողմից աշխատանքներում տնտեսավարող սուբյեկտների ցածր ներգրավմամբ: Առկա են նաև գազաֆիկացված համայնքներում համակարգերի տեղադրման առանձին դեպքեր՝ հակասելով իրականացվող ծրագրի պահանջներին: